

S T E L L A E

P E R E G R I N A E I A M

P R I M V M E X O R T Æ, E T C Æ L O C O N -

S T A N T E R H Æ R E N T I S, φαίνόμενον, V E L O B S E R V A T V M,

*diuinæ prouidentia vim & gloriæ maiestatem abunde concele-**brans. Per D. Cornelium Gemmam, Louanij Medi-*
*cinae professorem Regium.*T O T I V S P H Æ N O M E N I C A T A -
stasis Astronomica.

NOVVS hic phosphorus (liceat verò sic propter apparentem similitudinem appellare) cœpit fulgere primùm anno hoc à Christo nato 1572. nona Nouembris, die Dominico vesperi, cùm tamen obseruantibus proximum cœli locum die octauo, etiam sereno æthere non apparuerit. Eodem ferè tempore accessit Luna ad pũctum Signiferi, in quo deliquium passa est Iunio præcedente: stabat enim in 13. Capric. vbi & Mars nunc circa horam 7. copulatur cum cap. Drac. exactè, & Mars in 15. Capr. Erat sub huius exordia Iupiter retrogr. stationarius in epicyclo (quod ad influxus potentiam ac diuturnitatem plurimùm facit) in 21. Arietis, non procul à cornibus eiusdem & triangulo, subsequente copula Iouis, Martis, Veneris, Lunæ, & cap. Draconis. Illud insuper obserues moneo, quòd Venus in Libra, Mars in Capric. cum Luna exactissimè omnes 4. in signis aut tropicis, aut æquinoct. Sol quoque à coniunctione Saturni defluens paulatim ad trigonum Iouis & limites Galaxiæ cum stellis in corde scorpj nat. Saturni & Martis.

Sed locus apparentis stellæ (vt per doctrinam triang. maximè liquet) statim ab initio inter Cephei sydus & Cassiopeæ latit. 52. gr. 40. minut. longit. 6. gr. 30. minut. Tauri exactè consistit, vbi sese decussatim interfecant limbus borealior galaxiæ,

S